



Акафист
святым преподобным
Сергию и Герману,
Валаамским чудотворцам

Кондак 1

Возбраннм нашего спасения поборником и теплым к Богу молитвенником похвальное Вам, преподобнии, приносим пение. Вы же, яко имущии дерзновение ко Господу, от всяких нас бед свободите, зовущих:

Радуйтеся, Сергие и Германе, отцы преблаженнии.

Икос 1

Ангельски на земли поживше, со ангелы ныне на Небеси водворяетеса, отцы преподобнии, светом трисолнечным осияваеми и божественныя доброты лицезрения наслаждающеса. Темже и нас, чад ваших, память вашу любовию празднующих и с верою под отчий кров ваш прибегающих, у Престола

Царя Славы Христа не забудьте, вопиющих вам таковая:

Радуйтесь, в радость Господа своего вшедшии:

радуйтесь, венцы нетленные от Него приемшии.

Радуйтесь, Небеснаго Сиона прекраснаго граждане:

радуйтесь, вечнаго Царствия Христова наследницы.

Радуйтесь, в жизни земней единого Христа всем сердцем возлюбившии и Того единого взыскавшии:

радуйтесь, любви ради Его вся преобидевшии и мира красная презревшии.

Радуйтесь, непрестанным божественным рачением превыше видимых воспарившии:

радуйтесь, деянием видение стяжавшии.

Радуйтесь, уми зрящии Бога:

радуйтесь, неусыпныя молитвы источницы.

Радуйтесь, Валааму изрядная похвало:

радуйтесь, миру светильницы.

Радуйтесь, Сергие и Германе, отцы
преблаженнии.

Кондак 2

Видяще преподобнии земныя доброты
непостоянное и славы жития сего суету,
Отечество свое и сродники и други оставиша, и
от полуденныя страны к чуждему и хладному
северу устремишася. Христови бо тщахуся
невозбранно послужити, поюще Ему: Аллилуиа.

Икос 2

Разума духовнаго и земли безстрастия
обетованныя взыскующе, Авраамлю
произволению подражасте, преподобнии, землю
Отечества своего оставльше и в пустыни сей
бывше пришельцы. Темже даже и доднесь
святая обитель Валаамская, на пажити вашей
вселящися, неустанно вопиет вам сердцем и
усты:

Радуйтесь, семя святое, земли сея стояние:

радуйтесь, людей, окрест живущих, Христови
присвоение.

Радуйтесь, бесплодную пустыню сию слез
своих теченьми вспоившии:

радуйтесь, хладную страну сию молитв
теплотою согреявшии.

Радуйтесь, славии доброгласнии, райскую
весну от полудня нам принесшии:

радуйтесь, греческаго кедра отрасли
избранныя, иночества сад в горе сей
прораптшыя.

Радуйтесь, яко Христа стяжасте в сердца
своем:

радуйтесь, яко Троицы явистеся чистое
жилище.

Радуйтесь, привременными вечная
купившии:

радуйтесь, тленными нетленная
наследовавшии.

Радуйтесь, богатства нежданнаго блазии
рачители:

радуйтесь, бисера добраго велицыи купцы.

Радуйтесь, Сергие и Германе, отцы
преблаженнии.

Кондак 3

Силе от Вышняго предложению вашему
приложшейся, не всеу труждастеса,

преподобнии: Той бо бе вам стена крепка от лица вражия, камень терпения и мужества сподвижник. Духом же Его услаждаеми и от силы в силу восходяще, сподобистесь и части избранных Его, с нимиже зовете: Аллилуиа.

Икос 3

Имуще ум богоприятен и ангеловидное свое обещание непоколебимо на краесекомом камени веры во Христа, не разслабеша в подвизах своих преподобнии, ни возвратишася вспять к памяти прежняго жития мирскаго, но подъятый на ся крест даже до смерти понесоша и вся Христа ради сладце претерпеша. Сего ради и Бог я облагодати и ангельски зрети Его чистым сердцем сподоби, да и мы, житию их подражающе, усердно зовем к ним:

Радуйтесь, гласа Евангелскаго истиннии послушницы:

радуйтесь, Закона Христова усерднии творцы.

Радуйтесь, Господу своему до смерти послужившии:

радуйтесь, язвы Его выну на теле своем носившии.

Радуйтесь, яко Царствия ради Небеснаго ни в
чесом же самих себе пощадили есте:

радуйтесь, яко ангельским образом
облекшеся, до конца брань свою совершили
есте.

Радуйтесь, Христови оружницы вернии:

радуйтесь, врага неустаннии запинатели.

Радуйтесь, пустыни сладкое прозябение:

радуйтесь, воздержания неувядаемый цвете.

Радуйтесь, благодати сосуди избраннии:

радуйтесь, веры подвижницы.

Радуйтесь, Сергие и Германе, отцы
преблаженнии.

Кондак 4

Бурю противных ветров аще и воздвиже на
преподобныя диавол, обаче потопити их не
возможе, ниже града душевнаго их разорити.
Тии бо щитом веры ограждшеся и мечь молитвы
вращающе, вся стрелы лукаваго нетрудно
угашаху, Христу поюще: Аллилуиа.

Икос 4

Слышана бысть, преподобнии, духовных подвигов ваших молва и молитвы непрестанное горение и жития вольное озлобление: не может бо град укрытися, вверху горы стояй. Сего ради, яко елени на источники водныя, вси алчущии покаяния и жаждущии правды, о Господе ревнующе, к вам притекоша, и се обитель святая создася и пустыня Валаамская аки град благоцветущь показася. Темже о множестве спасаемых веселящеся, воспеваем вам сице:

Радуйтесь, обители вашей первоначальницы:
радуйтесь, великаго иноков сонма отцы.

Радуйтесь, покаяния от жизни своея проповедницы:

радуйтесь, люботруднаго жития законоположницы.

Радуйтесь, яко на пажити спасительныя многи овцы изведосте:

радуйтесь, яко Христа о множестве кающихся возрадовасте.

Радуйтесь, дух правый спасения в людех обновившии:

радуйтесь, ревность о Боже в сердцах унылых
возжегшии.

Радуйтесь, душ христианских возстание:
радуйтесь, спящих зле пробуждение.

Радуйтесь, к Небесному Царствию кормчии:
радуйтесь, пестуни во Христа.

Радуйтесь, Сергие и Германе, отцы
преблаженнии.

Кондак 5

Боготечныя яко звезды, на севере неба
возшли есте, преподобнии, и светом веры и
подвиг ваших страну Карельскую просветили
есте, учаще приходящыя к вам люди суеверия и
бесовския обычаи отложить и единого точию
Бога бояться и Ему единому служить, поюще
Ему: Аллилуиа.

Икос 5

Видевше окрест себе чада своя, носящая
ветви благодеяния, возвеселишася преподобнии
и, яко венец жития, блаженную кончину
улучивше, радуящися к небеси преидоша, обаче
союза любве не расторгоша, ниже чада своя
оставиша сира: не оскудеша бо и по смерти за

ня Христу выну молящся и во искушениях и бедах я назирающе и спасающе. Сего ради слышаху от них таковая:

Радуйтесь, в нуждах наших помощницы:
радуйтесь, в скорбех утешители.

Радуйтесь, язв греховных целители:
радуйтесь, бесовских наваждений отгнатели.

Радуйтесь, вы бо колена, унынием
разслабленная, скоро укрепляете:

радуйтесь, вы бо угасающыя светильники
наша елеем молитв ваших исполняете.

Радуйтесь, страстьми порабощенных скории
свободители:

радуйтесь, подвижников ко спасению
нелестнии вожди.

Радуйтесь, целомудрия нашего блюстители:
радуйтесь, нестяжания известное правило.

Радуйтесь, крепкое наше ограждение:
радуйтесь, непостыдное наше упование.

Радуйтесь, Сергие и Германе, отцы
преблаженнии.

Кондак 6

Проповедницы Славы Божия и по смерти явистесь, преподобнии, от раки честных мощей ваших неоскудныя струи исцелений источающе и всем требующым различная дарования подающе, яже видевшие чада ваша благодарно воспеша прославльшему вас Богу: Аллилуиа.

Икос 6

Возсиявше паки и паки слава ваша, преподобнии, и обитель ваша возрасташе и множашесь, аще и многаши нечестивии воеваху ю, храмы ея разоряюще и иноки избивающе и изгоняюще: от жива бо суща, аще и посечена, корене паки и паки леторасль восхождаше и многи добродетелей подвижники под сень свою собираше, да злостраждуще за Христа, в терпении стяжавают души своя, вам же, яко первоначальником своим, воспевают сие:

Радуйтесь, светила веры, присно возсиявающая:

радуйтесь, источницы молитвы, николиже оскудевшии.

Радуйтесь, хлебе сладкий ищущим покаяния:

радуйтесь, питие безсмертное подвижником пощения.

Радуйтесь, вы бо бысте благодатное всем смиренным прибежище:

радуйтесь, вы бо показастесь недвижимое послушным утверждение.

Радуйтесь, изгнанным правды ради готовии спутницы:

радуйтесь, обидимых за Христа сопричастницы.

Радуйтесь, нищих духом сожители:

радуйтесь, кротких сердцем собеседницы.

Радуйтесь, злострадания живии образи:

радуйтесь, терпения независтнии датели.

Радуйтесь, Сергие и Германе, отцы преблаженнии.

Кондак 7

Хотяще нечестивии свеи в конец веру православную истребити, обитель Валаамскую до основания истоциша, обаче светильника вашего угасити не возмогоша: инуде бо преставленный, паче возсия на свещнице

высоце, да и тамо веселит чада церковная и пети Богу подвизает: Аллилуиа.

Икос 7

Новый Израиль явишася духовная чада ваша, яже, многоцелебную раку мощей ваших на рамена восприимше, от губительства избегоша: ревноваху бо святыни не быти поруганней от поганых. Темже и в Новград притекоша, идеже всельшеся и мощем вас, отцев своих, приседяще, не престаша заповеди ваша хранити и воспевати вам сие:

Радуйтесь, сокровище наше некрадомое:

радуйтесь, светильницы наши неугасимии.

Радуйтесь, вожди, николиже нас оставляющие:

радуйтесь, наставницы, выну с нами сущии.

Радуйтесь, столпи света, путь к небеси нам указующии:

радуйтесь, облацы благодати, от лести нас покрывающие.

Радуйтесь, Амалика всегубителя победнии борители:

радуйтесь, фараона мысленного правиии
обличители.

Радуйтеся, сланое море суеты добре
прешедшии:

радуйтесь, в пустыню страстей мужественно
всельшиися.

Радуйтеся, небесныя манны причастницы:

радуйтесь, нас грешных пред Богом
споручницы.

Радуйтеся, Сергие и Германе, отцы
преблаженнии.

Кондак 8

Странноприемый раку мощей ваших
божественне возвеселися Великий Новград,
собор святых своих две звезде приложивый,
дивным светом чудес сияющыя и благодать
исцелений неоскудно всем подающыя. Сего ради
возопи: Аллилуиа.

Икос 8

Всецелою мыслию у Господа водворяющесе и
зрением нетленныя славы Его наслаждаеми, не
небрегли есте, преподобнии, о разорении святыя
обители вашея, ниже потерпесте, да угаснет

свотильник, возжженный на Валааме: но неемииною печалию поболесте и молитвою помолитесь, да поруган будет диавол, зле совещавый на страну сию. Темже молитвою вашею воста от пепла обитель святая сия и ликующи честныя мощи ваша от Новаграда грядущыя сретают, вам же вопиет сицевая:

Радуйтеся, радости небесныя вестницы:
радуйтеся, милости Божия послы.

Радуйтеся, славо наша, паки воставшая:
радуйтеся, венче наш, нам паки возданный.

Радуйтеся, яко пришествием вашим вера правая паки zde утвердися:

радуйтеся, яко свотильник вечныя жизни паки во обители вашей возсия.

Радуйтеся, злаго на страну сию совета диаволя разрушение:

радуйтеся, народа окрестнаго от рова ереси избавление.

Радуйтеся, Церкви Православныя новое торжество:

радуйтеся, врат адовых вящшее посрамление.

Радуйтесь, ангелов горних высокая песнь:
радуйтесь, земных человек ликование.

Радуйтесь, Сергие и Германе, отцы
преблаженнии.

Кондак 9

Вся строяй о спасении человечестем, вдал
еси, Христе, стража Дому Твоего во стране сей
святую обитель нашу. Не попусти убо ю
унынием воздремати, ни куплями житейскими
отяготитися, ниже путь добрейший Креста
Твоего оставить, но купно с преподобными
Твоими да выну поет Ти: Аллилуиа.

Икос 9

Ветиям многовещанным века сего юродство
есть еже мир возненавидети и плоть свою
умертвити: недоумеют бо духовная духовными
востязовати, ниже жизни сокровенная во
Христе постигнути, яже утай Бог от премудрых
и разумных и откры младенцем. Темже,
преподобнии, яко Царствия Небеснаго
наследницы и благодатныя радости общницы,
молитвою вашею выну наставите нас, да
тщетныя прелести жития сего избывше,

невозвратным помыслом поприще наше течем,
поюще вам таковая:

Радуйтесь, духовнаго любомудрия податели:
радуйтесь, безстрастия сосуди.

Радуйтесь, чистоты сердечныя сокровища:
радуйтесь, смирения зеркало.

Радуйтесь, вы бо мудрых мира сего явистесь
посрамление:

радуйтесь, вы бо юродивых о Христе бысте
похвала.

Радуйтесь, яко вами врага низлагаем
хотения:

радуйтесь, яко вами суеты отрераем прилоги.

Радуйтесь, во бранех духовных нам
пособницы:

радуйтесь, во искушениях всемошнии
заступницы.

Радуйтесь, обуреваемых пристанище:

радуйтесь, немощных исцеление.

Радуйтесь, Сергие и Германе, отцы
преблаженнии.

Кондак 10

Спасительный путь поста возлюбившии и ярем Христов на ся волею взявшии, приидите вси к сему тихому от бури греховныя пристанищу, в покаянии припадем к неослабным молитвенником нашим и отцем, яко молитвою их присно воздвигаеми, обрящем славу и воспоем: Аллилуиа.

Икос 10

Стена есте обители вашей и всем с верою к вам притекающим, преподобнии: вашим бо бодренным заступлением соблазны мира отгоняются и страстей възгранаия угашаются. Темже молим вас: не отрините нас в немощех наших, во искушениях и скорбех. Внегда оскудевати духовней крепости нашей, не оставите нас, но будите нам присное защищение, покров же и отрада, да воспоем вам благодаряще:

Радуйтеся, пустынных тихое утешение:

радуйтеся, уединенных тайное радование.

Радуйтеся, в молитве пребывающих незрими сомолитвенницы:

радуйтесь, во благоговении сущих благодатни сподвижницы.

Радуйтесь, наставницы наши, имиже к совершенству призываемся:

радуйтесь, отцы наши, имиже постничества желанного конца dospети уповаем.

Радуйтесь, крепосте наша, еюже стену греха нашего преждем:

радуйтесь, утверждение наше, имже тяготу злобы нашея отлагаем.

Радуйтесь, грехми обремененных любвеобильнии восприемницы:

радуйтесь, кающихся тепле блазии ходатаи.

Радуйтесь, юноши к целомудрию возводящи:

радуйтесь, старцем терпение подающии.

Радуйтесь, Сергие и Германе, отцы преблаженнии.

Кондак 11

Пению немолчному безплотных подражающе и на жестокое житие отцев наших взирающе, не обленимся, о братие: возлюбим в молитвах всенощное бдение, не устрашимся тленныя

плоти утеснения, да преподобным нашим
сопричастницы будем и со ангелы воспоем:
Аллилуиа.

Икос 11

Светозарныя светильники, светом истиннаго
благочестия северную страну сию
просвещающыя, зрим вы, преподобнии: в
земнем бо житии вашем многи от лести
бесовския ко Христу приведосте, и по смерти
токи благодатных дарований изливающе и
обитель свою во благоговении и трудолюбии
содержаще, православную веру zde
утверждаете, и вся окрестныя люди духовным
хлебом питаете, и от Люторова пагубнаго
нечестия и тмы неведения избавляете. Сего ради
приимите от нас сицевая:

Радуйтесь, истины нелестнии свидетелие:

радуйтесь, мрачных суеверий отгнатели.

Радуйтесь, Силы Божия дивное явление:

радуйтесь, благодати Христовы чудное
знамение.

Радуйтесь, вами бо Царствие Божие в сердца
многих прииде:

радуйтесь, вами бо Денница истиннаго света
во омраченных грехом возсия.

Радуйтесь, врачеве святии, сумнящихся
душы благодатно исцеляющи:

радуйтесь, пастырие добрии, овцы своя от
челюстей звериных изимающи.

Радуйтесь, православным Христово
благоухание:

радуйтесь, еретичествуящым смертная воня.

Радуйтесь, Карелии славнии апостоли:

радуйтесь, Российския земли украшение.

Радуйтесь, Сергие и Германе, отцы
преблаженнии.

Кондак 12

Благодатию Твоею божественною раздрав
грех наших рукописание, благодать Твоего
сыноположения обнови в нас, Слове Божий, и
даждь нам прочее в покаянии благоутодити
Тебе, да с преподобными Твоими воспоем Тебе:
Аллилуиа.

Икос 12

Поюще пресланую память вашу, елико по силе нашей, восхваляем вас, преподобнии: вы бо, жертву чисту себе Христови принесли, всем вся бысте и всем просящим туне вся потребная подаете, да вси, благодарению поучившися, в покаяние и исправление приидем, вас же воспоем сице:

Радуйтесь, смиренных мольбам вниматели:
радуйтесь, убогих воздыхания послушатели.

Радуйтесь, вдов и сирот наказатели и кормители:

радуйтесь, обидимых отрадо и утешение.

Радуйтесь, в нуждах и обстояниих сущих скорое и известное избавление:

радуйтесь, всех к раце мощей ваших с верою притекающих независтное исцеление и спасение.

Радуйтесь, предстатели наши, умиленные слезы наша приемлющи:

радуйтесь, молитвенницы наши, во благих прошения верных исполняющи.

Радуйтесь, монашествующих всегда готовое прибежище:

радуйтесь, мирских человек упование.

Радуйтесь, государства нашего крепосте:

радуйтесь, Церкви Православная удобрение.

Радуйтесь, Сергие и Германе, отцы преблаженнии.

Кондак 13

О всепетии и преславнии чудотворцы наши и молитвенницы, Сергие и Германе преподобнии! Нынешнее смиренное приношение от недостойных чад ваших приемше, от всяких напастей, скорбей и болезней, наветов вражиих и обстояний избавите нас, и в страшный час смертный будите нам крепцыи предстатели, яко да вечная смерти избавльшеся, воспоем прославльшему вас Богу: Аллилуиа.

Этот кондак читается трижды, затем икос 1-й и кондак 1-й

Молитва 1

О велицыи отцы наши Христови угодницы, и теплии предстатели ко Спасу о душах наших, Сергие и Германе: вы бо в недужех целители

явистесья, по морю плавающим кормчии, и утопающим благонадежное избавление, и от всякаго смертоноснаго нашествия хранители, паче же от духов нечистых освобождение и всяких наветов противу нас содержимых очищение и помощь. О преблаженнии отцы и чудотворцы преславнии, Сергие и Германе, молитесь к Владыце Христу о нас грешных: яко да вашими молитвами сподобимся в день Судный деснаго предстояния, и наслаждения во Царствии Божии во веки веков. Аминь.

Молитва 2

О преподобнии, богоноснии, всеблаженнии отцы наши, Сергие и Германе, зрителие Славы Божия в Небесном Царствии, не презрите нас грешных в нуждах и скорбех наших, но ускорите в помощь к вам прибегающим: примите воздыхание и слезы, и вонмите смиренному молению нашему. Предстояще убо Небесному Царю, о всеблаженнии! Молите благость Его, еже ущедрити место селения вашего и всякому граду и стране ниспосылати обилие благ земных. Страждущую страну Российскую от лютых безбожников и власти их Господь да свободит, и да возставит престол

православных правителей; верных рабов Его, в скорби и печали день и ночь вопиющих к Нему, многоболезный вопль да услышит и да изведет от погибели живот наш. Молите Его, еже нас всех в вере и добродетелех утвердити, избавляя присно от вожделений греховных, и от нападения видимых и невидимых врагов: обидимыя защитити, болящыя уврачевати, от томительства злых духов свободити, на мори плавающих спасати, путешествующым спутешествовати, и всякому верному в нуждах способствовать; яко Того вси есмы творение и Того есть Царство, и Сила и Слава во веки веков. Аминь.

Молитва 3

О преподобнии и богоноснии отцы наши Сергие и Германе! С верою и любовью припадающе к святей иконе вашей, умиленно молим вас: не забудьте нас, недостойных и грешных (имена), но предстательством вашим оградите нас от злых козней вражиих, утолите возстание страстей, укрепите немощь нашу в духовных бранех и подвизах, предлежащих нам, отжените всякое уныние и печаль греховную от сердец наших, и небесное утешение низпослите

нам во трудех и скорбех наших. В страшный же час смертный предстаните всем нам, яко же блазии ходатаи и темных зраков демонских прогонителие: да в мире и покаянии скончавше земное поприще наше, достигнем и вечных благ наслаждения, и купно с вами да воспоем и прославим всесвятое имя Отца, и Сына и Святаго Духа, ныне и присно и во веки веков. Аминь.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

†

НОВОЕ
* НЕБО